

**ODBOR ZA ROME PRI
VIJEĆU MINISTARA
BOSNE I HERCEGOVINE**

N/r
**VIJEĆU MINISTARA
BOSNE I HERCEGOVINE**

**PREMIJER
Gospodin ZORAN TEGELTIJA**

**PREDMET: APEL ZA HITNO USVAJANJE DRŽAVNOG BUDŽETA I HUMANTARNU
INTERVENCIJU ZA ROMSKU ZAJEDNICU**

Poštovana gospodo ministri u Vijeća ministar Bosne i Hercegovine,

Romi su najugroženija socio-ekonomska grupa građana u Bosni i Hercegovini. Novi koronavirus predstavlja posebno veliku opasnost za romsku zajednicu jer su Romi najranjiviji kada su u pitanju epidemiološke krize. Epidemije morbila u Evropi su pokazale da su Romi u znatno većoj mjeri ranjivi u takvim epidemijama jer žive u gusto naseljenim zajednicama bez adekvatnog pristupa pitkoj i tehničkoj vodi i kanalizaciji. Višečlane porodice žive zajedno u veoma nehygijskim uslovima.

Zajednica je u velikom procentu zdravstveno neosigurana, neinformisana kada je u pitanju prevencija i sa niskom stopom vakcinacije. Uz to, populacija je najvećim brojem bez socijalnih i redovnih finansijskih izvora, prisiljena da izvore preživljavanja obezbjeđuju skupljanjem sekundarnih sirovina, izlažući se različitim vrstama zaraze.

Ove činjenice nas upozoravaju na potrebu HITNE humanitarne intervencije.

Procjenjujemo da trenutno u Bosni i Hercegovini živi više od 40.000 Roma u preko 65 općina ili oko 75 romskih zajednica. Zbog teške ekonomske situacije i neredovnih primanja, romskoj zajednici je u ovoj situaciji otežana kupovina maski, higijenskih i dezinfekcijskih sredstava kao i osnovnih životnih namirnica.

Odbor za Roma pri Vijeću ministara Bosne i Hercegovine je na 15. sjednici u martu 2020. godine usvojio prijedlog da se Državni Granta za implementaciju AP za Roma u potpunom iznos namjeni kao interventna sredstva za nabavku higijensko dezinfekcionih sredstava i prehranbenih artikala.

Koristimo ovu priliku i apelujemo na **HITNO usvajanje državnog budžeta** i usvajanje ovog prijedloga od strane Odbora za Rome i tako obezbijedite hitnu humanitarnu pomoć prema najugroženijim porodicama, kako bismo, na ovaj način, prevenirali širenje COVID-19 u romskoj zajednici, kao i osigurali opstanak zajednice.

Za zdravlje cjelokupne zajednice, bitno je da nema „džepova“ zaraze. Prevencija zaraze u romskim naseljima i briga za zdravlje Roma je prevencija i briga za zdravlje svih građana BiH.

S poštovanjem,

PREDSJEDAVAJUĆI
Dervo Sejdić